



**ԿԱՐԳ**  
**ԳՎԱՐՈՒ ՊԵՏԱԿԱՆ ՀԱՄԱԼՍԱՐԱՆԻ**  
**ՔԱՂԱՔԱՑԻԱԿԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ**

**I. Ընդհանուր դրույթներ.**

1. Գավառի պետական համալսարանի (այսուհետ՝ Համալսարան) քաղաքացիական պաշտպանության հանձնաժողովը (այսուհետ՝ Հանձնաժողով) ստեղծվում, վերակազմավորվում կամ լուծարվում է Համալսարանի ռեկտորի հրամանով
2. Հանձնաժողովը գործում է Հայաստանի Հանրապետության օրենսդրությանը համապատասխան, Համալսարանի կանոնադրության և սույն կարգի հիման վրա:
3. Սույն կարգը հաստատվում և կարող է լրացվել կամ փոփոխվել Համալսարանի գիտական խորհրդի որոշմամբ:
4. Համալսարանում քաղաքացիական պաշտպանության համար նախատեսվում է առանձին դասասենյակ, ինչպես նաև գույք՝ անհատական պաշտպանության միջոցներ, ռադիացիոն դոզաչափական և քիմիական հետախուզության սարքեր, հակահրդեհային անվտանգության ապահովման միջոցներ, սանիտարական և այլ գույք, որը Համալսարանի սեփականությունն է: Այդ գույքը ձեռք է բերվում և դրա պահպանությունն իրականացվում է ՀՀ գործող օրենսդրությամբ սահմանված կարգով:
5. Հանձնաժողովի գտնվելու վայրն է՝ ՀՀ, Գեղարքունիքի մարզ, ք. Գավառ, Ազատության 1, առաջին հարկ, 108 սենյակ:

**II. Հանձնաժողովի գործունեության խնդիրներն ու գործառույթները.**

6. Հանձնաժողովի խնդիրներն են՝
  - ա) արտակարգ իրավիճակներում Համալսարանի անձնակազմի՝ պրոֆեսորադասախոսական, վարչական, տնտեսական կազմի և ուսանողների պաշտպանությունը,
  - բ) Համալսարանի հակահրդեհային անվտանգության ապահովումը,
  - գ) Քաղաքացիական պաշտպանության նախապատրաստական միջոցառումների իրականացումը, անհրաժեշտ գույքի ձեռքբերումը և սարքին վիճակում պահպանումը, Համալսարանի անձնակազմի պատասխարման, տարհանման և այլ հարցերի լուծումը:
7. Հանձնաժողովի հիմնական գործառույթներն են՝

- ա) Համալսարանի քաղաքացիական պաշտպանության և հակահրդեհային անվտանգության գծով պլանների մշակումը,
  - բ) Քաղաքացիական պաշտպանության պլաններին համապատասխան միջոցառումների մշակումն ու իրականացումը,
  - գ) Համալսարանի անձնակազմի ուսուցման կազմակերպումը՝ Հանձնաժողովի անդամների և համապատասխան մասնագետների ներգրավմամբ.
  - դ) օրենքով սահմանված այլ գործառույթների իրականացումը:
8. Հանձնաժողովը, լինելով Համալսարանի քաղաքացիական պաշտպանության և հակահրդեհային անվտանգության գործի կազմակերպիչը, ոլորտում իրականացնում է առանձնահատուկ գործունեություն՝ ուսուցման կազմակերպում, անհրաժեշտ գույքի ձեռքբերման ուղիների մատնանշում, անձնակազմի պատասպարման և տարիանման հարցերի ներկայացում ու լուծում, ուսումնական վարժանքների պլանավորում, իրականացում և այլն:

### **III. Կառուցվածքը և կառավարումը.**

9. Հանձնաժողովը անմիջականորեն ենթարկվում է Համալսարանի ռեկտորին:

10. Հանձնաժողովի կազմի մեջ մտնում են՝

- ա) Համալսարանի տնտեսական գծով պրոռեկտորը (Հանձնաժողովի նախագահ),
- բ) ճարտարագետը,
- գ) էներգետիկը,
- դ) պարետները,
- ե) հսկիչները,
- զ) ինչպես նաև այլ տնտեսական աշխատակիցներ:

11. Հանձնաժողովի աշխատանքները ղեկավարում է Հանձնաժողովի նախագահը, որին նշանակում և պաշտոնից ազատում է Համալսարանի ռեկտորը:

12. Հանձնաժողովն իրականացնում է «Քաղաքացիական պաշտպանության մասին» ՀՀ օրենքով և այլ իրավական ակտերով նախատեսված գործառույթներ, ինչպես նաև կատարում է քաղաքացիական պաշտպանության և հակահրդեհային անվտանգության ապահովման վերադաս մարմինների կազմակերպական ցուցումները:

13. Հանձնաժողովն ունի քարտուղար:

14. Հանձնաժողովը պատասխանատվություն է կրում Հանձնաժողովի աշխատանքների, ինչպես նաև համապատասխան գույքի համար:

### **IV. Հանձնաժողովի աշխատակարգը.**

- 15. Հանձնաժողովի նիստերը հրավիրվում են տարին երկու անգամ: Արտահերթ նիստերը հրավիրվում են ըստ անհրաժեշտության՝ ռեկտորի որոշմամբ:
- 16. Հանձնաժողովի նիստերը վարում է Հանձնաժողովի նախագահը՝ բացելով նիստը, ներկայացնում է օրակարգը:

17. Հանձնաժողովի անդամները կարող են օրակարգի համար առաջարկել հարցեր, որոնք դրվում են քվեարկության:
18. Հանձնաժողովի քարտուղարը կազմում է նիստերի արձանագրությունը, որոնք ստորագրում են Հանձնաժողովի նախագահը և քարտուղարը:
19. Հանձնաժողովն ընդունում է որոշումներ, որոնք կենսագործվում են Համալսարանի ռեկտորի հրամանով: